

लईका मन बर बाईबिल
प्रस्तुत करत हवे ।

जीशु हा 5000 मनखेमन
ला खवाय रिहिस



लिखे गए हवे। : Edward Hughes

उत्साह बढ़ै गए हवे। : Janie Forest

चयन करे गए हवे। : Ruth Klassen

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.

लाईसेंस : आप मन करा इ कथा ल छापे बर अज नकल करे के अधिकार
तभे तक हे जब तक आप मन एला बेचिहा नाही।



कतेक धारमिक नेता मन (फरीसी कहलात हावे) जीशु के बारे म
लबरा गोठ फैलाथे। कतका झन
यीशु ला मारे के कोसिस
करथे।



वो मन सिवास नि करिस कि वोहा सित्तो म भगवान के बेटा
रिहिस। वो कर चमतकार हा जेला साबित करथे की वो हर भगवान

के बेटा होईस,
फेर घलो वोला
गरहन नई
करिन।




एक दिन, यीशु हा गलील के समुनदर ला पार करिस। साइद वोहा, वो करा हमेशा इक्कट्ठा भीड़ ले एकठन छोट अवकाश लेहे चाहत रिहिस। लेकिन भीड़ हा झट के वोला खोज निकारिस। काबर की वो मन यीशु के महान चमतकार ला जानत रिहिन। वो मन ओकर संग म रेहे बर चाहत रिहिन।




जीशु हा एकठन सुनसान पहार म अपन चेला ला ले गिस
अऊ ऊहा ओकर शिक्षा देहेबर बइठ गिस। बनेच, अऊ
बनेच मनखे आत रिहिस। झटेच के रथिया के
जेवन के बेरा आ गिस।
सब झनला भुख लागिस
होही।



जीशु हा भीड़ ला देखिस। वोहर फिलिप्पुस ला पुछीस, “हमन कहा
ले एकर बर अतकी रोटि बिसाबो की सब झन के पेट भर जाय?”
उहाँ आखी—पाखी म कुछु खाय, केक जिनिस
के दुकान नि रिहिस। जीशु हा का
करे के योजना बनात रिहिस।



फिलिप्पुस हा जीशु ला जुआब दिस, “ऐ भीड़ ला खवाय बर असंभव होही” यीशु अऊ वोकर चेला मन करा जादा पझसा नि रिहिस।






ओमे ले एक झन चेला
अनदिरियास हर (समोन पतरस
के भई) जीशु ला कहिसः “एक
करा एक ठन लईका हावे
जेकर करा पाँच ठन रोटि अऊ
दु ठन छोटे मछली हावे ... ।”



“... लेकिन अतका झन मनखेमन के बीच म कुछु नि होईस ?”
अनदिरियास हा नि जानत रिहिस कि ये छोटे कन लईका हर अपन
जेवन ल देहे बर तियार हो जहि ता, थोर कन जेवन ले जीशु हा
अब्बड़ झन मनखेमन ला खवाय सकत रिहिस ।



जीशु हा मनखेमन ला तरी बझठे बर कहिस, ता खाली पुरुष मन
लगभग पांच हजार के संखिया म बझठ गिन। ऊहाँ! पांच हजार!
ईहा तक कि ओ करा उपस्थित महिला मन अऊ लझका मन ला
ऐ गिनती म शामिल
नि करे रिहिस।



आघु, यीशु हा रोटि अऊ मछरी ला लिस। छोटे कन लईका हर
यीशु के ऊपर भरोसा करिस। वो हर नि
जानत रिहिस की यीशु हा ओकर मझन
के जेवन ला काबर लिस। अऊ ओकर
से का करेबर चाहत रिहिस। वोहा
सोचिस होही, “अगर मे हा अपन
मझन के भोजन
ल दे दिहा, त
मेहा खाय बर
नि पाओ,” लेकिन
तबो भी घलो
ओहर यीशु
ला दे दिस।




तब जीशु हर पराथना
करिस कि वो हर भगवान
ला धन्यवाद दिस, काबर,
खाली पांच ठन रोटि अऊ
दु ठन मछरी बर ? हाहो!
यीशु हा भगवान ला
“धन्यवाद करिस” अऊ
जेवन न म आसीस देहे
बर भगवान ला पराथना
करिस ।



पराथना करे के पाछु यीशु हा
रोटी अऊ मछरी ला तोड़ के
अपन चेला ला दिस ताकि वो
मन ओ अड़बड़ भीड़ के बीच म
ओला बहाँट दे। अऊ तब मनखे
मन जीशु के ए चमतकार ला
देखिन। सब मनखे ला जतेक
चाहिए रिहिस सबो झन भरपुर
खाईन। तभो ला रोटी अऊ
मछरी हा नई सिराईस।



जब सब्बो झन के पेट भर गे, ओकर पाछु घलो बनेच अकन रोटी
अऊ मछरी हा उहाँ परे रिहिस। जीशु हा चेला मन ला कहिस, “ए
टुकड़ा मन ला जमा कर लेवा, ताकि कुछु घलो नुकसान झन हो,”
ओमन के जुठा के रोटी बाला टुकड़ा के संग म बारह टोकरी भर
दिस ... जोहा मनखेमन के द्वारा छोड़ देहे गे रिहिस।



वो दिन, यीशु हा एकठन छोटे लईका के जेवन म
5000 ले घलो जादा मनखे मन ला खवाये रिहिस।
अऊ एक ठन दुसर गोठ ओहा सात रोटी अऊ
कुछु मछरी म ले 4000 ले घलो जादा
मनखेमन ला खवाईस।



जब आम मनखेमन ए चिनहानी मन ला देखिस
ता, ओमन फरिसी मन के बागीर रिसाय नि रिहिन ।
एकर बलदा वो मन कहत रिहिन की “सहीच म ये
हर पैंगबर होईस, जोन हर सनसार म आये वाला
हावे ।” ओमन जान दारे रिहिन
की जीशु हा उद्धार करता
होईस, जेकर आय के
वादा भगवान के
पबितर बचन म
करे गे हावे ।



जीशु हा ५००० मनखेमन ला खवाय रिहिस

इ कथा हर भगवान के बचन के द्वारा एक ठी बाईंबिल

पाए जाथे ।

युहन्ना ६

“आप मन कर बानी हर एला अंजोर देथे ।”

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद ईशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आङ्गा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

